



**«ՄԱՔՈՒՐ ԵՐԿԱԹԻ ԳՈՐԾԱՐԱՆ»
ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ
2016թ. ՏԱՐԵԿԱՆ ՀԱՇՎԵՏՎՈՒԹՅՈՒՆ**

**Կարեն Հակոբյան
գլխավոր տնօրեն**

2017թ.

ԲՈՎԱՆԴԱԿՈՒԹՅՈՒՆ

1. «Մաքուր երկաթի գործարան» ԲԲԸ-ի ֆինանսական հաշվետվությունները 2016թ. դեկտեմբերի 31-ին ավարտված տարվա համար և անկախ աուդիտորական եզրակացություն
2. «Մաքուր երկաթի գործարան» ԲԲԸ-ի կառավարման մարմինների տարեկան զեկույց
3. «Մաքուր երկաթի գործարան» ԲԲԸ-ի պատասխանատու անձանց հայտարարություն

«ՄԱՔՈՒՐ ԵՐԿԱԹԻ ԳՈՐԾԱՐԱՆ»

ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ

ԿԱՌԱՎԱՐՄԱՆ ՄԱՐՄԻՆՆԵՐԻ ՏԱՐԵԿԱՆ ԶԵԿՈՒՅՑ

Ներածություն

«Մաքուր երկաթի գործարան» բաց բաժնետիրական ընկերությունը (Ընկերություն) 1968թ. հիմնադրված Մաքուր երկաթի փորձա-արդյունաբերական գործարանի իրավահաջորդն է: Գործարանը 1995թ. սեփականաշնորհման արդյունքում վերակազմավորվել է «Մաքուր երկաթի գործարան» բաց բաժնետիրական ընկերության:

Ընկերության հիմնական գործունեությունը ֆերոմոլիբդենի, եռակալված մետաղական մոլիբդենի և կալիումի պերոենատի արտադրությունն է: 2015թ. Ընկերությունը սկսել է մատուցել մոլիբդենի խտանույթի վերամշակման ծառայություններ: 2016թ. Ընկերությունը ժամանակավորապես դադարեցրեց եռակալված մետաղական մոլիբդենի արտադրությունը տեխնոլոգիական վերազինում իրականացնելու նպատակով:

Ընկերության հասարակ անվանական բաժնետոմսերը ցուցակված են «ՆԱՍԴԱՔ ՕԷՄԷՔՍ ԱՐՄԵՆԻԱ» ԲԲԸ-ի կողմից: Ընկերությունը՝ որպես հաշվետու թողարկող, հետևում է ՀՀ Կառավարության 30.12.2010թ. թիվ 1769-Ա որոշմամբ հաստատված Հայաստանի Հանրապետության Կորպորատիվ կառավարման կանոնագրքի դրույթներին:

1. Ընկերության գործունեության հիմնական ցուցանիշները 2016թ.

Ընկերության հաշվետու տարվա հասույթը կազմել է 6,566,170 հազ ՀՀ դրամ և ձևավորվել է Զանգեզուրի Պղնձամոլիբդենային Կոմբինատ ՓԲԸ-ին մոլիբդենի կոնցենտրատի վերամշակման ծառայությունների մատուցումից: Այսպես, 2016թ. Ընկերությունը վերամշակել է 6,490 տոննա մոլիբդենի կոնցենտրատ՝ 3,019 տոննա մոլիբդենի պարունակությամբ (2015թ. 6,560 տոննա կոնցենտրատ՝ 3,074 տոննա մոլիբդենի պարունակությամբ): Չնայած Ընկերության համախառն շահույթը 2016թ. 2015թ-ի համեմատությամբ գրեթե չի փոխվել, գործառնական ծախսերի նվազեցմանն ուղղված Ընկերության մի շարք միջոցառումների շնորհիվ Ընկերության գործառնական շահույթն աճել է 93%-ով:

Ընկերությունն առաջիկա 3-5 տարիների համար էկոլոգիապես ավելի բարենպաստ արտադրություն կազմակերպելու և աշխատանքի պայմանների բարելավման նպատակով հանձն է առել արտադրական կարողությունների վերազինման լայնամասշտաբ ծրագիր, որի իրականացումը սկսվել է 2016թ.: Այսպես, 2016թ. Ընկերությունը ձեռք է բերել 867,035 հազ. ՀՀ դրամի հիմնական միջոցներ (2015թ.՝ 280,593 հազ. ՀՀ դրամ):

2016թ. Ընկերության հարկային վճարումները կազմել են 908,946 հազ. ՀՀ դրամ (2015թ. 944,261 հազ. ՀՀ դրամ), այդ թվում եկամտային հարկ 505,688 հազ. ՀՀ դրամ (2015թ. 477,500 հազ. ՀՀ դրամ): Շահութահարկի գծով ընթացիկ հարկի ծախսը կազմել է 491,264 հազ. ՀՀ

դրամ (2015թ` 445,066 հազ. ՀՀ դրամ), որի գծով կրեդիտորական պարտքը հաշվանցվել է 2015թ արված շահութահարկի կանխավճարների և ոչ ռեզիդենտի շահութահարկի կանխավճարների դիմաց:

Ընկերության աշխատակիցների միջին թիվը և միջին աշխատավարձի մեծությունը ներկայացված է ստորև`

Աղյուսակ 1. Աշխատակիցների միջին թվաքանակ և միջին ամսական աշխատավարձ

Ցուցանիշ	2016	2015
Աշխատակիցների միջին ցուցակային թիվ, մարդ	517	558
Աշխատավարձի ֆոնդ, հազ. ՀՀ դրամ	2,108,495	2,113,748
Միջին ամսական աշխատավարձ, ՀՀ դրամ	339,860	315,673

Ստորև ներկայացված են Ընկերության ֆինանսատնտեսական գործունեությունը բնութագրող ամփոփ գործակիցներ`

Աղյուսակ 2. Ամփոփ ֆինանսական գործակիցներ

Ցուցանիշի անվանումը	31.12.2016թ.	31.12.2015թ.
Զուտ շահույթը մեկ բաժնետոմսի հաշվով (EPS)	27	24
Սեփական կապիտալի շահութաբերություն (ROE)	3%	3%
Ակտիվների շահութաբերություն (ROA)	3%	3%
Զուտ շահույթի մարժա (NPM)	28%	12%
Կապիտալի համարժեքության գործակից	95%	99%
Ֆինանսական կախվածության գործակից	5%	1%
Բացարձակ իրացվելության գործակից	6	72
Ընթացիկ իրացվելության գործակից	6	75
Ընդհանուր իրացվելության գործակից	11	80
Դեբիտորական պարտքերի շրջանառելիության գործակից	38	267
Դեբիտորական պարտքերի շրջապտույտի տևողությունն օրերով	10	1
Պաշարների շրջանառելիության գործակից	4	8
Պաշարների շրջապտույտի տևողությունն օրերով	95	47
Կրեդիտորական պարտքերի շրջանառելիության գործակից	32	59
Կրեդիտորական պարտքերի շրջապտույտի տևողությունն օրերով	12	6

2. Ընկերության գործունեության հիմնական ռիսկերը

Ընկերության գործունեության վրա ազդող նշանակալի ռիսկերից է միջազգային շուկայում մետաղների գների փոփոխությունը, ինչն ուղղակիորեն ազդում է Ընկերության արտադրանքի գնի վրա: Հաշվի առնելով այն հանգամանքը, որ 2015թ-ի հունիս ամսից Ընկերությունը սկսել է աշխատել վերամշակման ծառայությունների մատուցման

(կապալի) հիմունքով, գների փոփոխության ռիսկը հիմնականում կրում է պատվիրատուն: Այնուամենայնիվ, Ընկերությունը 2016թ շարունակել է նաև գնել և վերամշակել մոլիբդենի կոնցենտրատ սեփական արտադրության և վաճառքի նպատակով և գնային ռիսկը կառավարում է գնման և վաճառքի պայմանագրերի ճիշտ համադրման ճանապարհով: Հաջորդ կարևոր ռիսկն արժույթային ռիսկն է՝ այնքանով, որքանով Ընկերության ֆունկցիոնալ արժույթը և այն արժույթները, որոնցով արտահայտված են Ընկերության վաճառքները, գնումները և ֆինանսական ներդրումները, տարբեր են: Այդ գործարքները հիմնականում արտահայտված են ԱՄՆ դոլարով: Քանի որ Ընկերությունն ակնկալում է որ արտադրական վերազինման հետ կապված ծախսումները հիմնականում կկատարվեն արտարժույթով (հիմնական մեքենասարքավորումները պետք է ներմուծվեն արտերկրից), ֆինանսական ներդրումները ևս պահվում են արտարժույթով:

3. Ընկերության կանոնադրական կապիտալը, բաժնետերերը և դրանց կազմի փոփոխությունը

31.12.2016թ. դրությամբ Ընկերության կանոնադրական կապիտալը կազմել է 690,930 հազ. ՀՀ դրամ՝ բաժանված 10,000 ՀՀ դրամ անվանական արժեքով 69,093 հասարակ անվանական բաժնետոմսի:

31.12.2016թ. դրությամբ Ընկերության անվանական արժեթղթերի սեփականատերերի ռեեստրում գրանցված է եղել 20 անձ, որոնցից երկուսը հանդիսացել են իրավաբանական (օտարերկրյա), իսկ մնացածը՝ ֆիզիկական անձինք:

31.12.2016թ. դրությամբ Ընկերության նշանակալից բաժնետերերն են եղել՝

- 1) Քրոնիմետ երկաթաձուլվածքների Առևտրային ՍՊԸ (ԳԴՀ, Կարլսրուհե, Զյուլթեկենշտոասե 22), որը տիրապետել է Ընկերության 35,223 հասարակ անվանական բաժնետոմսերի, ինչը կազմում է Ընկերության կանոնադրական կապիտալի 50.979%-ը:
- 2) ՔՐՈՆԻՄԵՏ Հոլդինգ ՍՊԸ (ԳԴՀ, Կարլսրուհե, Զյուլթեկենշտոասե 22), որը տիրապետել է Ընկերության 33,639 հասարակ անվանական բաժնետոմսերի, ինչը կազմում է Ընկերության կանոնադրական կապիտալի 48.686%-ը:

4. Ընկերության ներդրումները

հազ. դրամ	31 դեկտեմբեր 2016թ.
«Զանգեզուրի պղնձամոլիբդենային կոնքինատ» ՓԲԸ	26,279,846
«Մետաղագործ» ՓԲԸ	5,000
«Հին Արենի» ՍՊԸ	351,373

31.12.2016թ. դրությամբ Ընկերության բաժնեմասնակցությունը «Զանգեզուրի պղնձամոլիբդենային կոնքինատ» ՓԲԸ-ում կազմել է 15%, «Հին Արենի» ՍՊԸ-ում՝ 29.6%, իսկ «Մետաղագործ» ՓԲԸ-ում՝ 31.18%:

5. Ընկերության բնականոն գործունեության շրջանակներից դուրս կնքված պայմանագրեր

2016 թվականին Ընկերությունն իր բնականոն գործունեության շրջանակներից դուրս պայմանագրեր չի կնքել:

6. Ընկերության հետ փոխկապակցված անձինք

Ընկերության փոխկապակցված անձինք են Ընկերության խորհրդի նախագահը, խորհրդի անդամները, գլխավոր տնօրենը, նրա տեղակալները, գլխավոր հաշվապահը, նրա տեղակալը, վերստուգող հանձնաժողովի նախագահը, անդամները, ինչպես նաև նշված անձանց ընտանիքների անդամները: 2016թ. Ընկերությունը նշված անձանց հետ չի կնքել այնպիսի գործարքներ, որոնց արժեքը գերազանցում է Ընկերության ակտիվների արժեքի 10 տոկոսը:

7. Ընկերության կառավարման և վերահսկման մարմինների կառուցվածքի փոփոխությունը

2016թ.-ին Ընկերության կառավարման և վերահսկման մարմինների կառուցվածքում փոփոխություններ չեն կատարվել:

Ընկերության տնօրենների խորհրդի կազմն է՝

- Մհեր Պոլոսկով
- Սարկուս Հելլեր
- Դավիթ Ղալթախյան
- Եղիշ Ստեփանյան
- Նիկոլայ Հակոբով

Ընկերության վերստուգող հանձնաժողով կազմն է՝

- Սիեգֆրիեդ Գրուպպ
- Գաբրիել Էրբս
- Արման Պետրոսյան

Ընկերության գործադիր մարմնի ղեկավարն է Կարեն Հակոբյանը:

8. Ընկերության հետագա հնարավոր զարգացման նկարագիրը

Տարեկան հաշվետվությունը հաստատելու պահին Ընկերությունն իր հիմնական գործունեության մասով ձեռնպահ է մնում կատարել կանխատեսումներ:

Գլխավոր տնօրեն



Կարեն Հակոբյան

«ՄԱՔՈՒՐ ԵՐԿԱԹԻ ԳՈՐԾԱՐԱՆ»

ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ

ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ

Մենք՝ պատասխանատու անձինք, հավաստիացնում ենք, որ մեր լավագույն տեղեկացվածության համաձայն ֆինանսական հաշվետվությունները ճշգրիտ և լիարժեք ձևով արտացոլում են Ընկերության ակտիվների և պարտավորությունների, ֆինանսական վիճակի, եկամուտների և ծախսերի իրական պատկերը, իսկ կառավարման մարմինների տարեկան զեկույցը ճշգրիտ և լիարժեք ձևով արտացոլում է Ընկերության ընդհանուր վիճակը, բիզնեսի արդյունքները և ներառում է այն հիմնական ռիսկերի նկարագիրը, որի հետ առնչվել կամ առնչվում է Ընկերությունը:

ՊԱՏԱՍԽԱՆԱՏՈՒ ԱՆՁԻՆՔ

Անուն, ազգանուն	Պաշտոն	Պատասխանատվության շրջանակ
Մհեր Պուլսկով	Տնօրենների խորհրդի նախագահ	Տնօրենների խորհրդի աշխատանքների կազմակերպում և ղեկավարում
Մարկոս Հելլեր	Տնօրենների խորհրդի անդամ	Պատասխանատու նշանակալից բաժնետերերի հետ հարաբերություններում
Եղիշ Ստեփանյան	Տնօրենների խորհրդի անդամ, տեխնիկական տնօրենի տեղակալ	Պատասխանատու արտադրության գծով
Դավիթ Ղալթախյան	Տնօրենների խորհրդի անդամ	Պատասխանատու տեխնիկական հարցերով
Նիկոլայ Հակոբով	Տնօրենների խորհրդի անդամ	Պատասխանատու արտադրության գծով
Կարեն Հակոբյան	Գլխավոր տնօրեն	Ընկերության ընթացիկ գործունեության ղեկավարում
Արթուր Հակոբյան	Գլխավոր հաշվապահ	Հաշվապահական հաշվառման վարում, ֆինանսական հաշվետվությունների ժամանակին կազմում և ներկայացում